

重脩平鄉縣志叙



郡邑之有志由來尚矣周官
小史掌邦國之志春秋傳所
稱周志鄭書是也外史掌四
方之志則晉乘楚檮杌魯春秋是也今天下各省之志為

四方之志而畿輔之志則邦
國之志也古者天子省方率
五年一舉春曰岱秋曰華夏
曰衡山冬曰恒岳其畿內則
歲與吏民再相見也厥後巡
狩時嗣廼命太史采風以詔

於五、於是乎審風俗出政
教十、五國之詩具在而首曰
二南其軒輊固有在也且志
者志天之文志地之理志人
事之成敗志世數之沿革下
及一民一物一草一木昆蟲

鳥獸魚鱉纖悉必志是上以
備一人間俗之典而下以佐
百執事之述職其有裨於省
方采風之遺意詎不重歟我
國家統一區宇六合同風幅
輿之廣亘古所未有

列聖相承重熙累洽典謨訓誥制度
文為視前代特為精密康熙
雍正間

屢詔天下修志郡邑統於省一復為
通志上之史館以為大一統
之採擇以垂億萬年之成規

聖天子高居九重將欲體國經野
脩政立教明其剛柔燥濕之
宜策其道塞險易之勢可按
籍而考也然史
國史者列國之志之統會郡邑
之志未始非

國史之胚胎也維茲平鄉以九
域視之僅彈丸黑子而已而
地屬衛境右列昂分近復隸
邠畿千里之內其風淳其俗樸
地可耕而人多率教喁々然
皆嚮風慕義亦三輔之一良

邑也其可志者足供摭摭願
自康熙十九年前令卞公重
脩迄今已七十餘年矣其間
廢興沿革仕蹟人材蓋闕如
也不及早續輯將愈久而愈
難搜羅其不致淹沒而弗彰

者鮮矣而僕曩在閩中三涖
巖邑兩攝方州待罪十有餘
載脩志之役亦數經矣繼以
憂去乾隆十二年冬來令茲
土甫下車亟歛篆著因辦理
軍需馳驅八閱月嗣復連委
大差今歲之春

駕幸江浙又奉檄承辦差務幾

無晷刻暇拉署後爰進邑之
紳士而謂之曰脩志久厯予
懷今獲少休盡亟襄之念曰
唯又育之學博士鄭君一固

廣川知名之士而好事文翰者六領之以助予之不逮僕亦攝擋簿書廣搜博訪昕夕參訂不濫不遺未三月之久而其志咸易舊志編年紀事之體為綱八為目五十有二

衷然成帙以授之梓非敢好異其體式然也私心竊自幸而乃猶有憲焉
國史為

朝廷之書其於褒貶予奪賢奸忠佞大書特書釐然其不爽也

志出有司之手善之長而惡
惡短多獎藉而闕黜陟使觀
之者無炯戒之心而生莫偉
之念亦奚可乎雖往古事者
後身之師也往古者迄今之
鑑也俾官斯土者覽志中名

官若而人曰必若此而後為
良有司也而心怍々然動矣
產斯地者讀志中列傳若而
人曰必若此而後稱名臣高
士也而心必油然而興矣他
如風俗如何而稱為醇美文

藝如何而推為高潔必有欣
以羨者亦必有退然而色沮
者則斯志也寓德割於褒美
之中假予奪於取裁之外使
覽者有所觀感而興起焉未
必非世道人心之一助也是
為序

乾隆十六年歲次辛未七月
既望文林郎知平鄉縣事加
三級紀錄二次記大功三次
括蒼蓮渠氏楊喬謨



重修平鄉縣志序

五雲蓮渠楊侯有重脩縣志之役囑余為之副而較訂焉志成公既自為敘而予亦得附數言於簡末竊謂邑之有志即周官遺意周官內史掌

邦國之志外史掌四方之志下至閭閻族師黨正亦歲月有書焉此縣志所由來也雖然縣各有志而獨平之志有不可以概論者平邑民淳俗簡有上古遺風惜乎老成凋

謝文獻缺如片紙貴於璠璣
一節重於千鈞取人為善雖
小必錄非悉心搜羅則湮沒
無聞矣茲役也事取其備而
義取其嚴摠期無失乎厲世
磨鈍之意焉科第仕宦前代
以來雲蒸霞蔚至

國朝則幾於景星慶雲忠孝節義

自舊志康熙十九年以後民
減者幾七十餘載昂畢災祥
變於上沙沼漳滏變於下城
署增修橋閘興廢考其源委

紀其時日其亦有慨然於乘
天目地創制垂範之意者乎
先聖之追贈加隆關帝之祭典
彌尊其他設壇建祠秩祀攸
關攤丁省徭物蕃風厚若是
者皆宜考實徵信以傳後世

至職官立政或樹千秋坊表
或被雅化一時振古爍今亦
當圖其不朽豈可不亟思論
定以記風烈之實乎哉舊志
編年規模非不宏遠但事跡
多畧且散漫無所統繫茲則

一變舊例體遵記傳為綱八
為目五十有二事無未備之
紀義無假託之端非敢輕變
前人亦期與人為善感發其
一念之性真云爾雖然地無
大小曰人而變風氣欲開則
人文起而應之自然之理也
我

國家培養士類久道化成良有
司興賢舉能菁莪樂育而一
時沐其教者果能砥行立節
以自見於

聖明之世平雖小邑將蒸蒸然有
起色矣此志之作將以倣周
官遺意而間胥族師黨正之
書由此升於史館以揚作人
之烈也余與楊侯共拭目以
望之

乾隆十六年歲次辛未七月
既望平鄉縣教諭加一級記
功二次棘津坤裳氏鄭廣緒

撰於涵清齋



重修平鄉縣志舊序

古今之遙可陳牘而知也天下之大可按籍而見也誰爲爲之曰有志也志者何曰卽史也古者列國各有史秦漢而下郡邑例得爲志以志時事然志事矣而不志年非史也而且門類紛錯載記淆雜是鬼園冊耳非史也余見而心竊疑之顧生茲三戶鄉知識寡昧弗敢輕議一日友人劉子鼎以灤州志見示其書創自養吾陳公編年而繫以事條貫歸一易于省覽至于事宜詳載不便瑣贅于年之下如建置田賦之類者則別爲一卷

平鄉縣志

卷一

舊序

一

而各年之下止書大綱間有考究弗審仍須訂正者則爲附遺爲存疑爲辯誤于各卷之後其文直其事核其義嚴而正其言質而有徵蓋深得乎史之意而善變乎志之體者也余見而心竊善之以質 邑侯芙溪趙公公曰志不欲繁繁則猥瑣而不整亦不欲簡簡則缺畧而難備若茲之體裁獨創詳畧得宜觀止矣可以爲師而廣文胡先生來訓暨邑人張君國棟史君翼經張君明圖李子之實王子鳳岐李子昌黃子師雲復力贊之侯曰唯唯遂于政事之暇節畧往乘採訪時事筆者筆

削者削而定格摘藻一以灤志爲準若乃品隲褒揚則
集輿人之月旦本生民之懿好一切適莫不與焉凡三
閱月而書成將以授梓余見而心益竊有感矣夫士君
子一行作吏百憂感心萬事勞形僕僕簿書期會之不
暇而遑計其他若 侯以館閣鴻裁製錦彈邑四年以
來修明締造口不勝碑復能于游刃餘閒究心文獻振
舉九十年不傳之廢典以儒術潤飾吏治南陽潁川之
最績不于此畧見一班也哉則茲志非志也並非史也
卽 侯之循良傳也余于是嘉其事而喜爲之序

康熙十一年壬子小春邑人趙培基題

戒則禮文誨迪之力顧可緩乎今喜得殘稿於明經張君家且邑中諸博雅君子或掛冠投閒或鵬飛暫息咸萃於此予不佞亦欲賦田園荒蕪之詞三者一失則難圖也而可緩乎第亟營之無需於民僉曰諾乃設局於桂月八日訖事於十月望日謹序

康熙歲次壬子嘉平月吉日西蜀彭門趙弼題

重修平鄉縣志舊序

志何爲而作也厥自輜車罷遣謠誦罔聞而郡縣陳風
爰取於志編年紀事鉅典攸關是必詳畧得宜按籍如
覩以不失乎作史者之遺意豈其徒襲虛文漫然率筆
而曰志如是是亦足耶平邑爲順屬蕞爾僻處東隅密
邇濁漳而士習絃誦農服稼穡俗頗淳樸云唯是乘載
寥寥一燬于明季再燼于鼎初以故不若諸邑之分條
晰類蒐擇靡遺盖有自巳逮我

皇上龍飛之八年前合趙君弼始倣灤州志自甲申迄于

平鄉縣志

卷一 舊序

五

壬子闡舊增新考訂刊布詞簡而義盡事核而實著誠
合乎史法善乎志體已獨操左券于前也其誰得而易
諸顧纂輯之後又復八載歷年以來賦役保無增減者
乎制度保無沿革者乎灾祥可勿紀乎凶稔可勿書乎
窮村僻巷節烈隱逸之流并可不必錄乎則修明缺畧
表章風化是又有司者之責也畏不敏承乏茲土三年
拮据靡寧懼不克勝任茲遵 憲諭續修縣志平邑風
俗建置已備前編唯於壬子後採見聞之最確者斟酌
定當黽勉踵成而一以舊志爲準然畏待罪已久數年